

龍門師範學校

校友會雜誌

龍門師範學校

壽

校友會襍志

戊申第一期

龍門師範學校校友會雜誌目錄

學校大事記

職員姓氏錄

畢業生姓氏錄

在校師範生姓氏錄

附屬小學生徒概畧

試教成績一 摘刊

試教成績二 摘刊

旅行記 摘刊

畢業生報告狀況

報告校友會全體書

附訂報告狀況式

學校大事記

立校緣起。光緒三十年春。升任蘇松太道袁公樹勳。延山陰湯先生壽潛。主講上海龍門書院。是年秋。由道會商院長。詳奉兩江督院江蘇撫院。批飭改龍門書院爲蘇松太道立師範學校。照會紳董李鍾珏。姚文枏。估工修建校舍。並派道屬紳士沈恩孚。袁希濤。葉景瀟。夏曰璈。四人。赴日本攷察師範規制。是冬開工。興建課堂宿舍。其園池以內各室。暫仍書院之舊。南面建洋樓七幢。池北建樓十五幢。池西九幢。赴東攷察諸人。亦於是冬回國。擬章呈候工竣開校。

光緒三十一年之編制。是年二月。由道行文道屬各廳州縣。保送學生。(分官送紳送兩項)定招簡易科生二班。(一爲理科。一爲文科)暫定一年畢業。本科生一班。暫定三年畢業。學科遵奏定學堂章程初級師範學堂之程度。攷試分臨時攷試。學期攷試。學年攷試三種。臨時攷試。四星期一次。學期學年攷試。一年一次。暑假年假前舉行。均由各教員命題。公推教員夏曰璈掌課分表。核計各科分數。由書記繕寫榜示。記分之例。臨時攷試。將各科分數相加而平均之。爲四星期之積分。合

數次積分相加而平均之。取其百分之五十。爲本學期之積分。又將學期學年攷試之各科分數。相加而平均之。取其百分之五十。爲本學期之攷分。以積分攷分相加爲學科分數。品行分數。每人以五十分爲底。半由職員公決而加減之。半由學生公決而加減之。爲品行分數。檢查體格。以各項分數相加。爲體格分數。以學科分數定等差。品行分數不滿六十分者。不列最優等。體格分數不滿六十分者。不列最優等。一學期終。查品行分數不滿四十分者。下學期毋庸到校。是年四月始改二十二舖小學校爲本校附屬小學。

三月十二日攷官送生。二十日攷紳送生。二十六日續攷官送紳送生。取本科生三十六人。簡易科理科生四十人。文科生三十八人。

四月二十五日開校。代理監督沈恩孚。教員十七人。袁希濤兼庶務員。沈慶炳兼監學。楊保恒兼監學。并附屬小學辦事員。是年附屬小學學生八十六人。

六月二十一日暑假。(是年以開校過遲。故節縮暑假期。)

七月二十日開學。管理員同上學期。教員進六人。退四人。

八月廿七日開祝聖會。

十月十一日開運動會。

十二月十三日年假。簡易科生畢業。理科最優等三人。優等十人。中等十一人。文科優等十三人。中等十五人。（遵奏定章程。平均分數八十分以上列最優等。六十分以上列優等。四十分以上列中等。）均給畢業文憑。

同日開會發起校友會。

光緒三十二年之編制。上年畢業簡易科兩班。本年另招簡易科生一班。（課程畧如上年理科）仍一年畢業。本科生一班。仍二年畢業。計共本科二班。分二年級（舊生）一年級（新生）簡易科一班。（新生）上年十二月十八日攷官送生二十二。一兩日攷紳送生。取本科生四十名。簡易科生四十名。是年每級增設主任教員一。核計各級攷試分數。

正月二十五日開學。代理監督沈恩孚。教員十八人。袁希濤主任一年級兼庶務員。夏曰璈主任二年級。夏清貽主任簡易科。沈慶炳、穆湘珩兼監學。楊保恒兼附屬小

學辦事員辭監學。是年附屬小學學生七十二人。

三月江蘇學院唐公景崇到校查學。給嗣晉安定扁額。

四月二十五日開校一週紀念。并開校友會。

四月二十七日開運動會。

五月二十四日暑假。

七月初八日開學。管理員同上學期。教員進三人。退一人。

八月二十七日開祝聖會。

十月初一日開運動會。

是年冬購校左民地。約三畝六分有奇。闢體操場。（以前操場租民地。在校外。至是始圈入校內。）

十二月十四日年假。簡易科生畢業。最優等五人。優等二十七人。中等八人。（依分數列等如上年。）均給畢業文憑。

光緒三十二年之編制。上年畢業簡易科一班。本年停辦簡易科。又招本科生一班。

仍三年畢業。添設手工專修科一班。半年畢業。計共本科三班。分三年級。二年級。
(均舊生)一年級。(新生)專修科一班。分正科選科。(均新生)上年十二月招攷本
科生。十八日攷官送生。二十日攷紳送生。共取四十名。本年正月二十六日招攷專
修科生。二月初四日續攷一次。共取正科生三十一名。選科生十九名。上學期專
修科生皆令通學。不留膳宿。試辦半年。於管理上不甚相宜。下學期租校左民房七
幢。爲專修科生校外宿舍。派員管理。是年改臨時攷試爲六星期一舉。每年分臨
時攷試爲四次。學期學年攷試各一次。專修科臨時攷試。仍四星期一舉。是年冬
六科生舉行畢業攷試。學務官加試一場。亦記分數。與各科攷分相加而平均之。取
其百分之五十爲攷分。將前九學期之學科平均分。相加而平均之。取其百分之五
十爲積分。攷分積分相加。爲畢業分數。遵部頒新章。在八十分以上者列最優等。(一
有一科不滿五十分。或兩科不滿六十分降等)五十分以上者列優等。(有一科
不滿四十分。或兩科不滿五十分降等)六十分以上者列中等。五十分以上者列
下等。不滿五十分者給修業文憑。是年春另建室內體操場於操場之西北隅。改

舊時室內體操場爲手工教室。

正月十九日開學。監督袁希濤。（前代理監督沈恩孚。任中國圖書公司編輯事辭職。改爲校董。）教員二十七人。夏曰璈主任。三年級兼庶務員。沈慶炳主任。一年級。葉爾松主任。二年級。均兼監學。（穆湘玥于上年十二月辭職。徐傅霖主任。手工專修科。楊保恆兼附屬小學辦事員。是年附屬小學學生一百二十人。二月二十五日手工專修科開學。

四月初八日本科生全體至蘇州旅行。由職員沈慶炳葉爾松夏曰璈率領。攷覽三日。回至崑山住一日。返滬。

四月二十五日開校二週紀念。并開校友會。

六月初五日暑假。

十二日手工專修科生畢業。正科最優等一人。優等七人。中等九人。下等九人。均給畢業文憑。給修業憑者五人。選科優等二人。中等四人。下等九人。均給畢業文憑。給修業憑者三人。（按攷分積分。分別等差。悉遵部頒新章。）

六月初九日招攷第二班手工專修科生。七月十四日續攷一次。共取正科生三十七人。選科生三人。

七月十七日開學。管理員同上學期。教員進六人。退九人。

八月初八日手工專修科開學。（因手工教員抱病故遲數日。）

二十七日開祝聖會。

九月二十八日開運動會。

十月二十日江蘇提學使毛公慶蕃到校查學。

十一月初四日監督袁希濤丁內艱。在家守制。由校董李鍾珏等呈道。推教員兼庶務員夏日璈暫代監督。

十二月本科三年生及專修科生舉行畢業攷試。呈由提學使毛照會議紳陸署正爾奎到校會同攷試。初七日加試本科生教育一科。由陸議紳命題。

十六日年假。本科三年生及手工專修科生畢業。升任蘇松太道梁公如浩議紳陸署正爾奎姚觀察文棟蒞校會同代理監督教員給憑。本科畢業生最優等五人。優

等十五人。中等五人。均給畢業文憑。專修科畢業生正科最優等三人。優等二十八人。中等十人。下等二名。均給畢業文憑。給修業憑者二人。選科下等二人。均給畢業文憑。給修業憑者一人。

光緒三十四年之編制。本年停辦手工專修科。(加本科手工時間。并延二年級以上手工英文不兼習之制。)添招本科生一班。改定本科課程。分甲乙二部。甲部仍三年業畢。乙部暫定四年業畢。招收本科新生二班。第一班新生與舊生均歸甲部。第一班新生及以後續招之生均歸乙部。本年計甲部三班。分三年級二年級(均舊生)一年級(新生)乙部一班。一年級(新生)上年十一月底。由本校備文移請道屬廳州縣及各勸學所遴選學生送致。十二月二十日致官送紳送生。本年正月十七日續致一次。共取甲乙部生各四十八名。體操場之北。添建宿舍樓房十幢。修改上年手工科教室自習室。爲甲乙兩部一年級教室。

正月二十二日開學。(乙部一年生以校舍未竣於二月二十日開學)暫代監督夏曰璈。教員二十三人。夏曰璈主任三年級。兼庶務員。沈慶炳主任乙部一年級。張樹

勳主任三年級。均兼監學。(葉爾松于上年十二月辭監學)朱楚善主任甲部一年級。楊保恆兼附屬小學辦事員。本年上學期附屬小學學生一百三十七人。

二月十六日袁希濤居喪百日假滿。復任監督。

三月下旬各級學生分起旅行。三年級生至無錫常州等處。由夏曰璈率領。二年級生至常熟福山等處。由張樹勳率領。均閱五日回校。甲乙部一年級生至徐家滙寶山等處。由沈慶炳率領。當日即回。

四月二十五日開校三週紀念。開校友會。

戊申四月二十五日三週紀念日校友會開會記畧

職員報告

袁希濤

今日開三週紀念會舊職員及畢業生來者甚多深可欣幸此會不尙形式而在精神之團結故不鋪張燈彩招延外賓至校友報告一節今年正月曾約在滬畢業同學議定刊發雜誌現已付印因爲時侷促不及在今日會場分佈當俟印就分寄

報告式畧有更改後當改正分佈以便照填報告式中應添教授管理上之心得及教授管理上之困難兩條以備日後研究

報告停辦手工科之情形因各校添設手工者頗少故今年改添本科一班

畢業生報告心得者甚少諸君能各抒所得即日寄來尙可列入雜誌以備研究

本年三年生參觀前三月參觀各小學校後二月參觀本校附屬小學

校下半年試教時或少困難之處

畢業生報告

李廷翰

諸同學多不欲在內地任事而願至上海輒謂上海交通便利有無形

之進化不知上海目前教育界多不能名副其實竟有出人意表者其

教員及學生之成績將反不及內地內地現屆進化願諸君勿遽離也

李樑

擔任體操教科甚爲困難過嚴肅則多畏憚參游戲則易生玩會有一

日分生徒爲兩組作交替出征狀一組留院內使預備一組出操場使

習操若干分時操畢畧作進攻之游戲乃奏凱歸復易一組入場習操

其時全體生徒精神齊一爲平日所無此近來體操經驗上之一端也

陸培亮

澄衷任事無可報惟各班分組遊息教員共同遊戲學生甚有興味而

不妨礙規則且教室中益形整肅此近時之經驗也

徐曾源

凡人在腐敗之學堂易增閱歷而在設備完善之學堂或有意見欲求

學堂之進步而校中已先發布實行所增閱歷或不及上項學堂之多

但由此益求教科之完備則好學堂之所得實爲不少也

陸 韡 管理學生注重活潑甚是但目前中國學生須從嚴肅入手則活潑而無凌亂之弊害

提議事件

夏曰璈 提議以後校友會是否准定四月二十五日抑就是日前後之星期日
決議准四月二十五日

余 沅 畢業同學中所用教科各書之優點缺點能就所見報告本校公同研究裨益甚大

決議此條加入報告狀況式內其狀況式即附入雜誌分佈

李 樑 報告湖州菱湖某學堂有二人冒龍門畢業生假造文憑充當教員其後頗損名譽

李廷翰
錢樹德

報告江西常熟亦有此事

決議當以畢業姓名年終登報俾衆周知

本校職員姓氏錄 戊申上學期

姓名 年歲 籍貫 現住 所任職務

袁希濤 觀瀾 同治丙生 寶山 上海西門內安裕里 監督

王恭溥 芷沅 光生 浙江 上海新北門內民立中學堂 國文科教員

葉景灃 醴文 咸豐丙辰生 上海 城內西唐家弄 科學科教員

楊敦頤 粹卿 咸豐丙生 震澤 上海西門外寧康里 習字科教員

小倉 子直 咸豐庚申生 日本 上海乍浦路三十五號 手工科教員

沈慶炳 仲平 同治生 上海 西門內夢花樓近聖坊 圖畫科教員 乙部一年級主任兼監學

程 璋 瑤笙 同治生 安徽 上海科學修學校 博物科教員

朱楚華 湘帆 同治生 宜興 城內西珠巷 國文科教員 甲部一年級主任

葉爾松 晴峯 同治生 上海 小南門外陸家浜茶館弄 圖畫科教員

夏 璫 琅雲 同治壬申生 嘉定 上海西門內何家弄登龍里 算科教員 三年級主任 庶務員 前暫代監學

陸炳章 菊裳 同治壬申生 太倉 蘇州城內衛前街 國文法制理財科教員

楊保恆 月如 同治癸酉生 上海 西門內守署西何家弄登龍里 教育科新員兼附屬小學校辦事員